



Inuussutissarsiornermut, Suliffeqarnermut, Niuerner
Nunanullu Allanut Naalackersuisoq
Vittus Qujaukitsoq
/MAANI

Ulloq: 24. oktober 2016
J.nr.: 01.36.02.03-00162

Imm. 29, Qitiusumik Suliffeqarfinnik Nalunaarsuiffik pillugu apeqqutit

Asasara Vittus

Inatsisissatut siunnersuutip suliarineqarneranut atatillugu siunnersuut pillugu ataatsimiititaliap apeqquteqarfigiumavaatit. Tamatuma siunertarineqarluni inatsisissatut siunnersuutip suliarineqarnera pillugu pissutsinik paasisitsinissaq.

Aallarniut

Inatsisissatut siunnersuut nunatsinni oqartussaasunut arlalinnut allanullu tusarniaassutigineqarsimasoq takuneqarsinnaavoq. Aammattaaq inatsisissatut siunnersuummi siunertarineqartut nalinginnaasumik tapersorsorneqartut takuneqarsinnaavoq. Qitiusumilli suliffeqarfinnik nalunaarsuiffiup kalaallit inatsisaat aqqutigalugu nunatsinni atuutsinneqalersinniarnera tusarniaaffigineqartunit ataasiakkaanit akerlilernerqarpoq. Taamaattumillu ataani allassimasunik apeqquteqarnermigut apeqqut tamanna Inuussutissarsiornermut Ataatsimiititaliamit paasinarsisikkumaneqarpoq.

Qitiusumik suliffeqarfinnik nalunaarsuiffiup atuutsinneqalernissaa pillugu

Qitiusumik suliffeqarfinnik nalunaarsuiffik inatsisikkut Kalaallit Nunaannut atuutsinneqalersinnaanersoq kommunimit nalorninartoqartinneqartoq Kommune Kujalliup tusarniaanermut akissutaani allassimavoq. Kommunip tusarniaanermut akissummi oqaatigaa qitiusumik suliffeqarfinnik nalunaarsuiffik pillugu inatsimmut nalunaarummi § 25 malillugu inatsit Savalimmiunut Kalaallit Nunaannullu atuutinningsoq, kunngilli peqqussutaatigut atuutsinneqarsinnaasoq.

1) Ataqatigiissitsinermit siuliani allassimasumut atatillugu qitiusumik suliffeqarfinnik nalunaarsuiffiup kunngip peqqussutaatigut atuutsinneqalinnginneranut tunuliaqutaasoq ataatsimiititaliamut nassuiaatigeqqullugu Naalackersuisut qinnuigineqarput.

2) Kommune Kujalliup tusarniaanermut akissutaanut tunngatillugu Naalackersuisut innersuussutigaa Inuussutissarsiummik Ingerlataqartunik Nalunaarsuiffik pillugu Inatsisartut inatsisaata nr. 10, 29. oktober 1999-imeersup akuersissutigineqarneranut atatillugu suliaasaqarfik tiguisoqareersimasoq. Naalackersuisut tamatuminnnga paasinninnerat tamanna pillugu Erhvervs- og Selskabsstyrelsip siumoortumik

oqaloqatigereerneranik paaseqatigereerneranillu tunngaveqarnersoq paasisutissiissutigineqassasoq ataatsimiititaliamit kissaatigineqarpoq?

3) Aammattaaq pissutsit qitiusumik suliffeqarfinnik nalunaarsuiffik pillugu danskit inatsisaanni § 23 naapertorlugu Erhvervs- og Selskabsstyrelsimit oqartussaaffigineqartut pillugit maleruagassanik atuutsitsilernissamut Naalakkersuisut inatsisissatut siunnersuummi § 1, imm. 3-mi pisinnaatitaanerakommunimit qularineqartoq Kommune Kujallup tusarniaanermut akissummini oqaatigaa. Siuliani allassimasut eqqarsaatigalugit suliassaqarfimmi pineqartumi maleruagassat Kalaallit Nunaannit atuutsinneqalersut kingornagut danskit oqartussaasuinit, tassungalu ilanngullugu Erhvervs- og Selskabsstyrelsimit oqaluuserineqartariaqarnerannik immaqalu akuerineqartariaqarnerannik nassataqassanngitsut Naalakkersuisut uppersarsinnaavaat?

4) Inatsisissatut siunnersuut nunatsinni taamaallaat tusarniaassutigineqarsimasoq tusarniaarnermut atortuni allassimavoq. Siunnersuummut nalinginnaasumik nassuiaatini Naalakkersuisut ilaatigut nassuiaapput:

”Naalakkersuisut danskillu naalakkersuisui 2013-imi suleqatigiissitamik pilersitsipput, Namminersorluni Oqartussaaneq pillugu aqqissuussinermi tunngavigineqartut malillugit Kalaallit Nunaanni Danmarkimilu inuussutissarsiornermut tunngasuni aningaasarsiornikkut suleqatigiinnermik siuarsaataasinnaasunik Kalaallit Nunaannilu inuussutissarsiutinik ineriartortitsinermut pitsaasumik tapertaasinnaasunik siunnersuuteqartartussamik.

Suleqatigiissitaaq Inuussutissarsiornermut, Suliffeqarnermut Niuernermullu Naalakkersuisoqarfiup aamma danskit Erhvervs- og Vækstministereqarfiata pegatigiillutik aqutarisimavaat, aamma kalaallit danskillu inuussutissarsiornermik suliaraqartut kattuffiisa allallu susassaqartut isumaat ilanngunneqarsimapput.

Suleqatigiissitat nalunaarusiaq angusanik inassuteqaatinillu arlalinnik imalik 2015-imi februaarip qaammataani saqqummiuppaat.

Inassuteqaatit taakku tunngavigalugit inuussutissarsiornermut tunngatillugu inatsimmi malittarisassat misissorneqarnerat annertusisat inatsisillu nutarterneqarnera aallartinneqarpoq, taakkununga ilanngullugit ingerlatseqatigiiffiit pillugit inatsit, aningaasaateqarfiit inuussutissarsiornermik ingerlatsisut pillugit inatsit il. il., ilaatigut UPA 2016-imut aamma UKA 2016-imut siunnersuutinik arlalinnik tunniussisoqarluni.

Inassuteqaatit ilagaat suliffeqarfinnik nalunaarsuisarneq pillugu annertusisamik suleqatigiinnissaq, tassani kalaallit suliffeqarfiutaasa danskit oqartussaasuinit qarasaasiaq aqqutigalugu digitaliusumik nalunaaruteqarsinnaalernissaat siunertarineqarluni.”

Inatsisissatut siunnersuut matumani pineqartoq kalaallit danskillu oqartussaasuisa akornanni atorfilltatt suleqatigiinnerisa inerneratut isigineqarsinnaagaluartoq inatsisissatut siunnersuut assersuutigalugu inatsisunik atuutsitsinermut ministereqarfimmut tusarniutigineqarsimagaluarpat pitsaasimassagaluartoq ataatsimiititaliaq isumaqarpoq, tassami qitiusumik suliffeqarfinnik nalunaarsuiffik tassaammat danskit oqartussaasuinit aqunneqarlunilu maleruagassiuunneqartoq, taamaaliornikkut siunertarineqassalluni danskit oqartussaasuisa kingornagut aaqqiagiinngissuteqarfigineqalersinnaanerisa pinngitsoortinneqarnissaa. Naalakkersuisut inatsisissatut siunnersuummik nunatsinniinnaq tusarniaasimanerannut isumaliutit eqqarsaatillu suut aallaavigisimaneraat nassuiaatigineqassasoq ataatsimiititaliamit kissaatigineqarpoq?

5) Inatsisissatut siunnersuutip matuma nassatarissavaa nunatsinni Inuussutissarsiummik Ingerlataqartunik Nalunaarsuiffik atorunnaarsinneqassammat nunatsinnilu suliffeqarfiit il.il. qitiusumik suliffeqarfinnik nalunaarsuiffimmi nalunaarsorneqassammata. Tamanna oqartussaaffimmik Danmarkimut utertitsinertut paasineqarsinnaasorinarpoq. Taama paasinninneq kukkunerusutut Naalakkersuisunit isigineqarpa?

Qitiusumik suliffeqarfinnik nalunaarsuiffiup atuutsinneqalernissaata sulissutiginera

6) Qitiusumik suliffeqarfinnik nalunaarsuiffik atuutsilerniarlugu siusissukkut siunissamut takussutissianik suliaqartoqarsimasoq ataatsimiititaliap suliaqarnermini paasivaa, tamatumani qitiusumik suliffeqarfik nalunaarsuiffik kunngip peqqussutaatigut atuutsinneqalernissaa eqqarsaatigineqarluni. Taama eqqarsaateqarneq Naalakkersuisunut inassuteqaammi 09-06.2014-imeersumi, suliaq nr.: 2013-0889471, allassimasoq ataatsimiititaliamit maluginiarneqarpoq. Tassunga atatillugu tamatumani kingorna periusaaqqaartup malinniarneqarsimannnginneranut tunuliaqutarineqartoq tunngavilersuutilla naatsumik nassuiaatigineqassasut ataatsimiititaliap inussiarnersumik qinnutigaa.

Inussiarnersumik inuulluaqqusillunga



Siverth K. Heilmann

Ataatsimiititaliap siulittaasua

Ataatsimiititaliap sulinerata ingerlariaqqinnissaa eqqarsaatigalugu allakkat uku Naalakkersuisunit allaffissornikkut tiguneqarnerannit kingusinnerpaamik ullut tallimat kingorna akissuteqartoqarnissaa ataatsimiititaliamit qinnutigineqarpoq. Akissut qarasaasiakkut ukununnga nassiateqquneqarpoq: Inatsisartut@inatsisartut.gl aamma dje@ina.gl

